

二家詞鈔

二家詞鈔卷四

五十磨齋詞卷中

恩施樊增祥嘉父

雙雙燕

秋燕用梅溪韻

謝家院落甚青女來時玳梁霜冷秋蛾斂綠約略遠山相並莫睇琴牀硯井聽顫掣花鈴不定朱門畫鎖斜陽滿院參差簾影秋徑相逢楚潤嘆人與花枝不如前後銅駝巷陌一霎鯉風吹暝歸去沙去水穩可消得莫愁家信玉雁飛回無那畫樓閒凭

前調

再和硯孫

寶簾空地正宮柳微黃曉霜淒冷嬌羞舊事細馬輕車相並早是桐飄綠井問隔歲香巢可定風前一幅紅襟閃得夕陽無影山徑煙莎綠潤嘆弱羽無衣海青獨俊宮槐誰守畫角城頭催暝任是雕梁睡穩也難忘臺城舊信亭北欄干冷玉了無人凭

前調

三和前韻

數椽老屋認秋柳垂門夕陽閒冷尋常百姓那與烏衣鄰並雙羽交窺墨井甚柳怯花驚未定玉堂歷歷巢痕舊事思量如影荒徑煙惺露潤且等到冰天玉梅花俊詞用北宮蓮紅斷不照綠紗窗暝杏子花期已穩也休管關河秋信如客光陰日日玉欄長凭

念奴嬌

用嫁軒韻

桂花香裏料常儀，愁度璇宮佳節。三十九年秋再閨，狼角射人心怯。銅馬東來青驛西去，慘與宮花別。玉真前世白頭宮女，能說聞道扇子湖邊疏。疏霜柳猶挂黃昏月，銅鞮秋衾宣府夢，夢繞燕山重疊。太液芙蓉上林橘樹，一任人攀折。青天愁望知添多少華髮。

歸朝歡

用馬莊父韻簡硯孫

缺月窺簾黃甚酒，簾外花香簾內有。隱囊紗幘坐填詞，趁趁秦七黃九不眠宵。亦書無多疏雨無多柳，倚銀屏秋燈一蕊，又是雁來候。書題遠費薑芽手，小字紅鸞龍綺袖。燕山淦水幾時歸，吳襟楚帶今年瘦。東閣詩數首流蘇委地，還依舊最縈心。嬾環小劫可有烏龍守。

遶佛閣

用美成韻

桂華夕斂涼月半，缺低映閒館。銀燭燒短欲眠，又起蚺蟻墮風幔。玉蟬注滿閒試庫紙詩，意清遠雙鬢嬌婉。玉釵欲挂牆東角巾岸，滿目換秋色。露柳蕭蕭疏牽翠綫佳語，月圓斜行留扇面。且靜聽鞋弓細數，壺箭小屏相見，只壓香銷紅鬟翠微亂。夜如何繡衾雙展。

甘州

和耆卿韻

莫回頭東望望春門，啼鳥滿延秋。怪風情助力都如病，柳怯上高樓。凝碧池臺何在，歌舞一時休。滿眼新亭淚，未肯輕流。見說衣冠文武似虬髯，負此局誰收。嘆白頭杜甫還為浣花留，認朱書空處青。

面是幾時天際識歸舟西來雁可能邀取玉女回眸

紅林擒近

和美成韻

秋竹無新粉夜芸生古香玉露下雕砌芙蓉怨橫塘雨無一珠灑葉月有半鏡銜窗鏡裏覩見殘妝無語對寒黃昔者金馬客約我玉河鄉

玉河鄉在西山之麓伯與有卜鄰之約

烏衣巷冷如今燕去雕梁更應劉俱逝郭園倦客共誰一飲三百觴

南浦

和魯逸仲韻

君卿老去掩蓬蒿不謁五侯門道是今年秋閨簫鼓滿花村纔說平陽胭餞又天香桂子落紛紛嘆風城佳麗玉蛾金兔都化戰場雲月姊那如倩女望青天碧海也離魂夜夜冰綃承淚摘損淡黃裙憑得山河如影問瓊樓可有洗妝痕算舞休歌罷漢宮三十六玉扉寂寞銷黃昏

洞仙歌

石谷畫漁樂圖書張子同漁父詞五首於上輒題二闋

三間草屋傍桃花西塞一葉扁舟盪靈海便綠蓑青笠也勝朝衣剛成就范蠡嚴光一派得魚閒換酒狀似松鱸莫被江城達官買貌取鸞鷖容月下收筒憑歌舞盧花世界更著箇樵青與煎茶掃淡墨輕煙水邊竹外

三高笠澤不同時堪恨休道風標後來俊

指皮陸言

看極頭艇子長繫桃柯可也有魏晉間人風韻斜風吹細雨了不須歸何況月明晚波定一世住鱸鄉飽飯蓴菰渾不識洛城秋信便天子傳宣不呼名把

生謚玄真玉雕私印

金縷曲

觀奕

此局全輸矣對殘枰虬髯縮手道兄奪氣黑白兩區交搏擊自壞長城萬里恨下手惟差一子鼠鬬穴中蟲入腹好家山錯被癡兒毀真冷然雪獨處向來依倚神頭勢到而今星飛雨散有誰料理三策都無中上下不戰不降不死嘆秋水人間何世芥孔竊然無避處且安排商橘秦桃裏休更說婦姑事

遠佛閣

慰研孫婦病

小顰翠斂慵對晚鏡深閉秋館黃菊難短與花比瘦西風動羅幔香夢寫滿香茗俊句都似明遠羈思悽婉記曾疊騎系乾水平岸古錦襲詩本強為蕭郎拈繡綫不似向時朝霞生酒面待蕙草中庭盡茁花箭曲房重見又酌酒彈碁玉局搗亂對明窗青綳同展

卓牌兒

垂楊恁蕭疏疏憑點逗紗窗晚雨短短畫燭猶疑昨淚溫溫芳褥已銷前暑西樓雁來時蕙月裏秋砧幾杵青桂暗減香風露棠又濕涼紅總無情緒去年賃廬依玉水芙蓉雙鷺舊京何處嗟絲髻如許薄病文園秋風客忍換秦箏雁柱凝伫渺萬重燕樹

長相思

閨怨

江上山湖上山安得從郎騎馬看願奴為繡鞍早秋寒袖羅單桐葉霜葉落井欄奴心金橘酸

莫悲秋莫登樓樓上黃昏月似鈎珠簾無限愁
萬牙籌白甕甌花繁嫩銀雙酒舟無花不並頭

浣溪紗

老馬心從戰後推
宰官身自夢中回
朝衫換了菱荷衣
試捉客來參麴米
悔攜家去住蓬萊
二年孤負小園梅

八月南垞泰酒香
胡桃破殼粟初黃
閨秋天氣似重陽
新綠茶茸斟夜雨
半紅藜葉點秋霜
山妻檢點舊衣裳

逝矣高陽舊雨徒
今生無意過黃墟
九門多是島人居
亂後魚羹思宋嫂
秋來海市罷丁沽
舊京風味一時無

西狩宮車下玉坡
君王揮淚對宮娥
荒村無草飼青騾
聖壽早停南府戲
別離猶唱本家歌
并州行在近如何

南歌子

月下

閒位門中月
愁添心下秋
一行新雁過秦郵
可有錦書挂繫到并州
按曲霓裳改論功
玉斧羞不勝寒處是瓊樓
多分月宮門戶要重修

秋宵吟

本意和白石韻

睡鳬溫玉荷皎露下啼螢最悄
湘簾外又淡月疏星碧天如曉
曳荷衣謝羽葆獨鶴今歸華表
春明舊雨碧血荒寒亂雲衰草
漢室馮唐話鉅鹿臣年已老
晚鋤瓜地夜煮松濤
莫覓繭絲繞欲寄詩筒

甚灞水鱗稀蓮嶽雁香賸西風冷撼書帷雲母窗外動鳥了

淒涼犯

和白石韻

東牆月暗花無影西風猛撼鈴索兩株露柳蘇蘇墮葉小園西角朝來酒惡怪青子團茶力薄倚薰鑪
重添澀麝香霧散漢_平漢垂老無歡意扇展中年早傷哀樂舊人雨散似芙蓉秋江搖落滿目河山
問留得殘棋幾著且孤吟莫赴謝羽沙社約

瑞龍吟

憶北池廬和姜成韻

春明路一帶玉水紅牆綺雲宮樹吾廬金馬門邊武皇賜與東方隱處謾延竝猶記綠荷風裏瑣窗
朱戶北臺一角雕欄兩行翠柳流鶯自語愁度今年槐夏鼓聲雷動梯衝飛舞珠市却厭芙蓉雙闕
非故王孫泣誦細柳新蒲句知誰念白頭杜甫麻鞋徒步黯黯秦川去青門病柳都非曩緒衣損黃金
縷香袖底依依韓潭春雨霸橋拗頸晚雲如絮

隔浦蓮近

和姜成韻

秋桑零落羽葆曲榭紅房窈月季歛閒檻花間有雙棲鳥玉露凋百草鳴蛩鬧暗鮮生琴沼月蛾小
映簷入戶房尊綠醕傾倒雙眉桂葉不似遠山春曉昨夢并州一雁到驚覺啼鵲數在林表

玉樓春

月下有意

北池靜夜聞歌管露濕羅襟花影亂金燈院裏月初來朱鳥窗中香不斷
西窗雨見冰蟾滿刺把玉
鱗霜餅薦去年月色去年人不道心情暗中換

蝶戀月

月照燕山飛雪綵白髮方成暗泣披香殿見說宮花留一半外臣催進昭陽膳
汾上秋風聞過雁夜
雨淋鈴不見冰輪滿爭怪素娥梳洗懶桂枝剩比黃楊短

八聲甘州

賦燕臺八景 蘆溝曉月第一

把英雄血淚做桑乾東流過蘆溝甚胡笳吹曉彎彎玉玦低映城樓橋上蹲獅百輩拗頸望神州夾岸
金絲柳眉不勝愁 一旦瑤京雲擾縱高車過此犬子應羞嘆玉弓虛挂星散萬縹緲效雍公危橋渡
驚恨不如白馬送清流蟲沙劫總由月姊兩作中秋

俗言閏八月有凶

前調

金臺夕照第二

是誰拖裙帶問昭王層臺禿荒烟擲黃金虛牝不求汗血翻信神仙烈士悲歌慷慨無奈夕陽天已黃
昏近馬不能前 一霎火牛燕壘漫手提騎劫心怨田單任金戈鐵馬雲擾御河邊仗何人虞淵取日
嘆樂生久已去邯鄲空回望薊門煙柳老淚潸然

前調

太液秋風第三

繞宮牆玉水起微波上林又秋風騰昆明池裏芳蓮露粉暗泣香紅武帝旌旂何在輦路百花空萬歲

薊門煙樹第七

把江東渭北碧雲天量移到幽州看暮暮芳樹深籠粉堞遠帶朱樓一自昆明劫火無地繫驂驢辛苦
南飛鵲繞樹無休 野宿貌貅萬竈嘆琴材笛料爨下誰收甚抱薪馮異無淚泣蕪萸叶悵京師百年
喬木共舊家舊笏斷風流燕郊外縱然春到也只如秋

前調

玉泉垂虹第八

乞君恩一酌玉泉甘清涼勝冰壺入江南圖畫紅橋碧柳北地應無天際美人虹挂雙鏡夾芙蓉試上
青龍背高望昆明 一自六龍西幸讓鮫人晚浴手弄明珠萬里長空架玉驀地走鑾輿酌普祠春流
淺碧較香山御茗定何如宮簾畔監奴含淚重進金盃

虞美人

螺紋碧旋香杯暖注酒歌聲緩面前屏小繡簾疏淡月柳邊西墜露零珠 啼鳥夜上亭西竹夜夜犀
簾觸勁風牆北雨絲絲燭映綺窗秋冷玉枰棋
棋枰玉冷秋窗綺映燭絲絲雨北牆風勁觸簾犀夜夜竹西亭上夜烏啼 珠零露墜西邊柳月淡疏
簾繡小屏前面緩歌酒注暖杯香旋碧紋螺

重疊金

女牀鸞睡春宵雨雨宵春睡鸞牀花朵一衾霞霞衾一朵花 起來朝夢美美夢朝來起鈿翠得儂
憐憐儂得翠鈿

萬窗雲鎖深深院深深鎖雲窗萬佳樹一禽來來禽一樹佳 竹蕙花繞屋屋繞花蕙竹蘇小住西

湖湖西住小蘇

粉荷節月娟娟冷冷娟娟月節荷粉儂似草心紅紅心草似儂翠寒凝竹淚淚竹凝寒翠羅袖近如何何如近袖羅

月黃昏照花時別別時花照昏黃月君送一溪雲雲溪一送君柳黃如濁酒酒濁如黃柳知我有深思思深有我知

虞美人

針娘玉引紅酥手蘸雪金絲柳繡茸簾軟月鉤斜夢覺疊雲芳錦瑞香花明匳一水秋船藕米米情勝否柳風池北雨纖纖曲徑絮泥香浣小鞋鴛

鴛鞋小浣香泥絮徑曲纖纖雨北池風柳不勝情米米藕船秋水一匳明花香瑞錦芳雲疊疊夢斜鉤月軟簾茸繡柳絲金雪蘸手酥紅引玉娘針

香眠夜苦辛家酒但可黃花友蝶仙隨夢過牆東美醞護泥香印越鑲紅秋花菊是同心客與鶴疎籬隔月眉黃淡晚庭中袖拂疣琴鳴玉夏松風

江漢間疎如披

風松夏玉鳴琴癡拂袖中庭晚淡黃眉月隔簾疎鶴與客心同是菊花秋紅鑲越印香泥護醞美東

牆過夢隨仙蝶友花黃可但酒家辛苦夜眠香

俗謂睡美曰香

重疊金

詠菊

近來重九黃花詠詠花黃九重來近三徑晚芳探探芳晚徑三酒杯行處有有處行杯酒涼一味涼香香籬一味涼

虞美人

憶東華早朝

紅牆短短紅蓮小。麗日宮花繞。水流煙翠起鴛池。雨細美鶯雙坐綠楊絲。雷輕轉轂丹墀曉。玉佩來朝早。鼓鐘嚴禁隔雲紅。鵲立百花香殿紫垣中。中垣紫殿香花百立鵲。紅雲隔禁中。鐘鼓早朝來。佩玉曉墀丹轂轉輕雷。絲楊綠坐雙鶯美。細雨池鴛起。翠煙流水繞花宮。日麗小蓮紅。紅短牆紅。

玉樓春

蝶衣金瘦花房粉雪燕雙雕。釵玉冷霜情薄。怨素心蘭月恨無如圓壓香。疊夢秋雁傳書錦葉隋疏。桐金蝕井人中畫。字寫蠶灰白露。秋期歸信準。

粉房花瘦金衣蝶。冷玉釵雕雙燕。雪蘭心素怨薄情。霜杏壓圓如無恨。月錦書傳雁秋寒。疊井蝕金桐疏。隋葉灰蠶寫字。畫中人。準信歸期秋露白。

踏莎行

和白石韻

浦柳眉疏汀菱角軟。北池隣里羞重見。一秋雁信上林稀。五更鵲血宮花染。水上蘋絲風中箏絲送。人芳草天涯遠。香山歸卧紫蘭村。新昌門戶無人管。

昭君怨

閨秋向盡茉莉猶試一花漫賦

不為今年秋閨早。是黃花節近。一朵小南強。傲秋霜。怪得冰心涼透。伴取蘭衰菊秀。好待暑風來。萬

花開

虞美人

閨中秋夜繡漪索詞再賦

飢筵幾標江南果圓月今宵可素娥青帳薄羅裳禁得秋風百二十天涼
上皇夜傍銀橋立兩按裳
裳拍木犀香了又重香恰似重陽過後展重陽

沁園春

孩兒菊

桂子天香飄隋籬東黃英始胎正觀音竹秀白衣送到麻姑米熟珠顆擎來左手提戈右還取印換了
持螯與舉杯陶公老為檀兒梨父笑口重開
蘭香玉白庭階算抵得王家蠟鳳才倘賜與鍾繇定能
偷酒侍伊屈子不肯吟梅松下仙童竹根稚子眉白鬚黃汝最佳生三日有洗兒錢否滿徑蒼苔

陶令分來珠樹三花瑞林一枝付梅妻養大便如鶴子棠妃抱起當作獼兒重九香醅初三珠露剛是
嬌嬰索乳時家何處算絲絲瓜瓞只在東籬
黃童頭角如斯便不讀經書也自奇看錦堂諸子晚纔
繞膝龍山英物生即多髭紫錦裁衣黃金取印隱逸家兒卿相姿風霜勁有孩兒兵在戰勝葵疑

世有清芬屈鄭陶韓四姓小侯把平安問豎竹應點領晨昏傍母萱果忘憂春誕梅兄夏生蓮子雁序
推排直到秋香何晚笑吾家老圃代衍箕裘
烏衣巷口嬉游記簾捲西風玉燕投問壚頭佐酒力能
敵鼙鼓邊吹笛兒解騎牛花裏麒麟雪中獅子名菊值得金錢十萬不嬌憨其趁鯉魚風起舞絲無休

菊也何修昔是女花今為粉郎嘆少而兀傲誰為香祖生而隱逸肯事花王錦製僧鞋珠擎仙掌長在
風姨月姊旁如來道汝前生金粟根本休忘
身材五尺微強便秋水為神貢玉堂倘菊中有靈汝為

脈望藥中有虎汝即黃昏菊露菊虎皆菊中蟲壽似松鬢尊如桂父視我依然兄弟行童顏在若問吾年輩廣闊

風霜

前調

女兒酒

見即銷魂仙人所居橋西一樓在餘杭酒媪膝前長大宜城琴客身畔勾留北海徒豪東坡不飲得遇相如便嫁休知何似似楊枝無力萱草忘憂為伊典盡鸛裘便趙壁連城未易求願身為花露消即渴疾手持箕帚掃爾春愁若號佳人煙為美女換得五花名馬不春來夢在醉鄉深處一味溫柔

迎置牀頭淺注登黃親卿愛卿但遙聞香息恐招韓壽不聽苦口休嫁劉伶白傳多情篇篇說汝柳宿光中見酒星朝還暮想伊家蠻素不如娉婷為儂斟酌佳名可小字草愁家石城看百花釀出嬌如碧玉雙柑攜去麗甚黃鶯綠雛春雲珠槽夜雨濃睡鴛鴦不願醒安身處在銷金帳底莫上長亭

此多娟娟居杏花村街蓮子杯把夢綠仙人香名飲徧玉卮娘子丹訣傳來貌合秦韓心師嵇阮林下風神定自佳壺天好看嬋媛玉女雷笑初回柔荑慢撥香醅問十斛明珠價可諧怕將離滋味苦於紫筍含歡時候醉甚青梅除是金貂聘他藥玉肯嫁酸寒麴秀才杯中秀笑酪奴羹婢俱是凡材

酒母穠華生女當為青州郡君慣笑他卓女琴心顛倒羨伊公瑾玉性溫醇榜校量金絲緹絡玉買斷梨花一世春仙鄉住有珠寵為雨綺夢為雲玉卮公主含顰莫千萬天錢便曾婚看春愁填滿孔融北海夜行經過宋玉東鄰藥杵誰求雲英未嫁肯把瓊漿輕贈人餘杭女與浣紗人遇喚作鄉親

金縷曲

女兒茶

一串風流紫小銀瓶紅箋楷寫鼎娥名字半晌鸚哥呼不出勞動樵青玉指開翠眼明如秋水記得東坡評泊好道佳入佳茗從來似常領略如蘭氣碧螺春色江南媚算生朝清明前後牡丹開未嫁與金鑾承旨去陶穀字金鑾臘鼎腥甌雪洗早換了羊羔身世的茶星來枕畔笑筍奴蘭妾何風味團月面莫迴避

金縷曲

美人煙

浦口秋波嫩繞青溪蚶田十畝玉煙明潤吮得西施酥樣乳生比芙蓉更俊看眉目天然端整筆管有情全書得共鮫妃螺女開妝鏡還憶不不蘿徑鱸香亭畔相思甚有吳娘羹湯好手最諳食性公子無腸休嫁與那及銀潮有信問網得明珠誰贈一任江南餐秀色勸春來莫捨河狔命東海涸情難盡

壽樓春

憐韓潭春深傍朱藤繫馬門掩花陰十七年來重到故香銷沉青竹葉誰同斟憶箇人秋牀橫琴自子晉神仙謂子珍笙簧挂壁塵積到如今閒陶寫朱絃音嘆何戡已老鬢髮霜侵試認綠羅裙帶小紅林檎歌筵散干戈尋妾却灰芳林華林怕鈴院風淒白頭野狐歌雨淋

八歸

蓮白石體和梅溪韻

香鼓桂白羅裳更紫秋晚倚欄人獨玉弓欲挂初三月還怕絳河照影百雁相續杜曲桑麻非我意祇燕繞溪南羅屋余舊居綠蘿溪上畫檻外煙水三分更種二分竹誰識白頭庾信哀江南後嬾看關中除目

巨羅翻酒琵琶承淚久已衣痕凋綠望修門不見慘淡風煙起喬木休重問故都秋色那有明駝還鄉
千里足

眉嫵

新月和碧山韻

聽單于三弄漢殿垂楊眉葉鎖秋暝雲際纖纖月徘徊久提鞋人在香徑坐花未穩被金蟾噉鎖堪恨
向天上推破連環玉怕鈎弋拳冷今夜青天休問似小徐分得一半宮鏡誰遣金甌缺興亡事蕭娘
休怨侯景驛樓夜永照御題芳樹端正算金鑑山河留一角桂花影

六州歌頭

和于和韻

潼關北望燕樹與雲平悲笳動黃塵滿慘秋聲更休論千古興亡事子胥目眦宏血光若炬碧如草劍
花腥文武衣冠盡矣何人尋荒島田橫剩青驛飛鏑揮淚過圓明風鶴宵鳴夢魂驚恨韓侂冑景延
廣徒虛語大功成珠履客銀鎗隊總凋零幸西京龍武軍容盛擬輸幣又談兵連嶽雪華清水且娛情
昔日青牛過處如今有鳳蓋龍旌嘆林宗已老無淚哭滂膺得酒還傾

小梅花

太液柳黃金縷秋來為鞭亦為帚約錢驄蹴香紅照儀紫袖暗泣幽蘭宮瓊華一島秋陰重碧海鯨魚
鱗甲動幸秦州失建州一夜黑龍江水向西流麴與索猶臺閣都道此間樂敵之難我之憂應侯傳
語速送魏齊頭尚方不請朱雲劍馬渡黃河繞一線羽書催迅如雷誰道金輿間有華山來

金盞子

和竹山韻

粉鏡繾綣睡起來秋花淡月池館閒和玉臺詩燈枝下重將唐韻開看待把密字珍珠寫青箋一半箋
頭雁字字說人相思恨無人伴長記雨香雲煖眉子硯芳影繒小鷺心憐蜀宮花蕊低般誦冰肌玉
骨無汗琴心已自成病待文君輕喚須金鑄三十六博山香爐莫遣香斷

八聲甘州 補沈休文六憶

憶來

憶來時窗影落驚鴻虛廊響鞋弓聽隔花瑣步芳情更切釵挂蘆簾道罷勝常佳笑側顧書房風坐定
翻無語小靨緋紅怪得蕭郎微瘦問別來錦字因甚疏慵把新詩教念鶯語百花中別銀缸雙鷺照
影料今宵不是夢中逢長廝守香車陌上莫恁匆匆

前調

憶去

憶去時紅淚濕香羅恨常比歡多縱重來有月初三下九也數消磨千萬秋風強飭掃雪待儂過還恐
傷郎意強對愁蛾何必蓬山萬里隔一條香街即是銀河欲留卿信宿無奈驢車何算離愁江流不
盡更禁他一再轉秋波還停待強於去後書間差訛

前調

憶眠

憶眠時斜月轉雕櫳釵偏髻髮鬆這薄寒天氣欠呵情緒欲起還慵半晌纔收針線寶裯覆重龍雅得
檀郎意替換鞋弓比似海棠春睡便為雲也懶帶酒光濃願玉鉤羅幕長護可憐儂勸人間金盃夫